

# Школмудин тосхлтиг түргдүлхмн

Каспийск районд школмуд сургъулин джилд белдлгннә көдлмш му бишәр кегддж йовна. Келхд, Михайловск, Рыжковск, Каспийск болн Северн школмуд күцдән ясгад дуусгддж одцхав. Зуг ясвртнь модн икәр керглгдсн школмудин ясврнь бәрвртә болджана. Тиим бәәдлд Буран селәнә школ бәәнә.

Районд 1958 джил долан джилә хойр школ тосхгдх болдж темдлгдлә: негнь—Ракушино селәнд, наадкнь Улан Хоолд. Эн хойр школмудин болн теднә хаджугъарнь бәргдджәх, багшнрин гермүдин эрсмүднь йир түргәр босцхав. Цааранднь көдлмшин йовуд буурад, тагчг болдж одв. Юньгад гихлә эн школмудин тосхлтд кергтә модн икәр оратдж ирв. Ирсн бүкл модиг көрәдх

кергтә. Эн школмудин тосхлтд гидж ирсн 400 кубометр моднас хөрн хонгин дунд 50 кубометр көрәдгддж. Көдлмшиннь иим йовудар шинджлхлә, школмудин тосхлт зөвәр бәрвртә болн гиджәнә.

Сургъулин джил эклтл үлдсн сар шаху цагин дунд эн школмудин тосхлт түргәр уралан йовдж, дуусгдхин төрт, эн көдлмшиг кеджәх негдгч номертә тосхлтин участкин көдлмшчнр болн теднә гардачнр гүджрцхәх зөвтә. Района сургъуль-эрдмин отдел болн бәәрн газрин Советс, школмудин тосхлтин төрт болн тосхачнрт дөнъгән өгч, эн көдлмшиг эврәннь хәләвртән бәрцхәх зөвтә.

**С-Г ГОШЕНДАНОВ.**